



KONTROLE NAKON NAPADA U PARIZU

Francuzi tražili provjere i u BiH

Policijske službe vrše provjere koje je tražila francuska policija, u vezi s osobama koje se dovode u vezu s terorističkim napadom

Policijske i obavještajne agencije u BiH još djeluju pod pojačanim angažmanom zbog terorističkog napada koji se dogodio u Paizu u petak navečer. To, između ostalog, podrazumijeva i povećano prisustvo pripadnika Direkcije za koordinaciju policijskih tijela pred svim ambasadama u BiH, a posebno pred zgradama Francuske ambasade i rezidencije.

Zahtjev francuske policije

Prema riječima direktora SI-PA-e Perice Stanića, policijske službe vrše provjere koje je tražila francuska policija, u vezi s osobama koje se dovode u vezu s terorističkim napadom, uputivši zahtjev putem INTERPOL-a.

- Moram istaknuti da se



Pojačane kontrole u cijeloj Evropi

FOTO: ANADOLIJIA

AMBASADA BIH U FRANCUSKOJ

Identifikacija žrtava

Iako je obavljena identifikacija većine poginulih u bombaškom napadu u Parizu, do sada, srećom, nije utvrđeno da među poginulima, ili ranjenima, ima i državljana BiH, rečeno nam je iz naše Ambasade u Francuskoj. U ovom diplomatskom predstavništvu i dalje je na snazi režim 24-satne dežure, kako bi u svakom trenutku Ambasada bila na usluzi bh. državljanima.

tražene informacije ne odnose na državljane BiH, niti su osobe koje se provjeravaju ikada boravile u našoj zemlji. Ne postoje indicije o bilo kakvoj povezanosti tih osoba sa BiH – kazao nam je Stanić.

Nabavka opreme

Dodao je i da je, zbog bombaškog napada u Parizu, za koji je odgovornost preuzela takozvana Islamska država, na sastanku

Udarne grupe BiH za borbu protiv terorizma, između ostalog, dogovoreno dodatno ulaganje novca u nabavku opreme za pripadnike policijskih agencija u našoj zemlji.

U terorističkom napadu u Parizu, kada su bombaši samoubice u koordinisanoj akciji aktivirali eksploziv na sedam različitih lokacija, poginulo je 129 osoba. Do sada je identifikovano više od 100. **A.ŠA.**